



Arkivnr: 2018/10229-1

Saksbehandlar: Toralf Rutledal

Saksframlegg

Saksgang

Utval	Saknr.	Møtedato
Yrkessopplæringsnemnda		08.05.2018
Ungdommens fylkesutval		14.05.2018
Utval for opplæring og helse		15.05.2018
Fylkesutvalet		31.05.2018
Fylkestinget		12.06.2018

Mandat for mobbeombodet i Hordaland

Samandrag

Fylkestinget vedtok å opprette mobbeombodet i Hordaland som eit prøveprosjekt i 2014, og fylkestinget vedtok vidare å gjere ordninga fast i 2017. Ved at fylkestinget går inn for mandatforslaget som ligg føre, vil Hordaland bli med i den nasjonale ordninga med fylkesvise mobbeombod når denne startar opp 1. august 2018.

Dette forslaget til mandat for mobbeombodet i Hordaland er utforma med det nasjonale mandatet om mobbeombod i alle fylke som grunnlag. Her står det følgjande:

Mobbeombudet skal støtte og veilede barn, elever og foreldre slik at disse får ivaretatt sine rettigheter til et godt psykososialt miljø i barnehage og grunnskole. Mobbeombudet skal i samarbeid med elev- og læringeombudet i sitt fylke, bidra til at elever og læringer får ivaretatt sine rettigheter til et godt psykososialt miljø i videregående opplæring.

Dette inneber at målgruppa for mobbeombodet aukar frå 25 000 ungdommar i vidaregåande utdanning til å omfatte 116 000 barn og ungdom. Forslaget til mandat speglar denne utvidinga av målgruppa.

Mandatforslaget ligg føre i saksutgreiinga, og det definerer organisering, rapportering, initiativrett, målgruppe og arbeidsoppgåver.

Økonomi: Deltaking i nasjonal ordning med fylkesvise mobbeombod utløyer statlege løyvingar til arbeidet på 250 000 kroner i 2018 og 500 000 kroner i 2019.

Klima: Ikke relevant.

Folkehelse: Mobbeombodet si verksemd kan verke positivt inn på folkehelsa blant barn og unge i Hordaland.

Regional planstrategi: Mobbeombodet si verksemd vil kunne bidra positivt for å oppnå målet i planstrategien om at Hordaland skal vere eit inkluderande samfunn.

Forslag til innstilling

Fylkestinget godkjenner mandat for mobbeombodet slik det går fram av saksutgreiinga.

Rune Haugsdal
fylkesrådmann

Ingrid Kristine Holm Svendsen
fylkesdirektør økonomi og organisasjon

Saksframlegget er godkjent elektronisk og har derfor ingen underskrift.

Fylkesrådmannen, 10.04.2018

Saksutgreiing

Hordaland fylkeskommune oppretta eit mobbeombod som ei forsøksordning i 2014. Erfaringane frå denne prøveordninga synte seg å vere så gode at fylkestinget vedtok å gjere ordninga fast i juni 2017. I oppdragsbrev 17/40 frå Kunnskapsdepartementet vert Utdanningsdirektoratet beden om å setje i verk ei ordning med fylkesvise mobbeombod frå hausten 2018.

Hordaland fylkeskommune fekk ein invitasjon til å bli med i ordninga i januar 2018. Dette tilbodet valde fylkeskommunen å nytte seg av. I oppdraget frå Kunnskapsdepartementet går det mellom anna fram at barn, elevar og foreldre skal vere omboda si primære målgruppe, og mobbeombodet skal ha både barnehage og skule som verkeområde. Dette inneber at mobbeombodet i Hordaland utvidar målgruppa si frå i dag å fokusere på vidaregåande skular, til å utvide fokus til å omfatte barnehagar og skular. Forslaget til mandat for mobbeombod i Hordaland er utarbeidd for at ombodet skal gjere nettopp dette.

Forslag til mandat for mobbeombodet i Hordaland:

Mobbeombodet i Hordaland

Mobbeombodet skal bidra til at barn og unge i Hordaland får ivaretatt sine rettar til eit godt barnehage- og skulemiljø. Mobbeombodet skal også i samarbeid med elev- og lærlingombodet i Hordaland bidra til at elevar og lærlingar får i varetatt sine rettar til eit godt psykososialt miljø i vidaregående opplæring.

Ombodet skal utføre arbeidet sitt på eit fritt og sjølvstendig grunnlag. Ombodet er først og fremst eit lågterskeltilbod for barn, elevar og føresette.

Organisering, rapportering og initiativrett

Ombodet er tilsett i fylkeskommunen sin stab og samlokalisert med elev- og lærlingombodet. Omboda er plassert direkte under fylkesdirektør økonomi og organisasjon, og rapporterer årleg til fylkestinget. Ombodet har også høve til å rapportere direkte til fylkesrådmann. Ombodet skal ha ein systematisk og kontinuerlig dialog med administrasjon og politisk leiing i fylkeskommunen, med faste møtepunkt fleire gongar i året. Ombodet kan på eige initiativ fremme saker til utval for opplæring og helse.

Mobbeombodet er ein del av eit nasjonalt nettverk for fagleg utvikling og erfaringsdeling på tvers av fylka.

Målgruppe

Målgruppa til mobbeombodet er barn og unge i barnehage, grunnskule og vidaregående opplæring i Hordaland, samt deira føresette.

Arbeidsoppgåver

Barnekonvensjonen, Barnehagelova og Opplæringslova er utgangspunkt for mobbeombodet sitt arbeid. Oppgåvene til mobbeombodet innebefører:

- Støtte og rettleie barn, elevar og føresette i saker om psykososialt miljø
- Jobbe førebyggande med informasjon og opplæring til barn, elevar og føresette
- Skape dialog og bidra til god tverrfaglig oppfølging, også etter at saker er handtert
- Bidra til dokumentasjon og erfaringsdeling i fylket og nasjonalt
- Støtte elev- og lærlingombodet i arbeid med psykososialt miljø i vidaregående opplæring
- Samarbeide med barn og unge, samt aktørar som arbeider med barn og ungdom på ulike nivå (til dømes: elevråd, ungdomsråd og ungdommens kommunestyre, Elevorganisasjonen, kommunar, barnehage- og skuleeigarar, PPT, skulehelsetenesta, helseaktørar, politiet, frivillige organisasjonar, høgskular og universitet.)

- Vere ein informasjonsressurs og rettleiar for tilsette i barnehage og skule

Teieplikt

Ombodet har teieplikt og saker blir ikkje tatt vidare utan samtykke.